



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

## **Komunikadu Imprensa**

**10 Maiu 2016**

### **Tribunál Rekursu husu JSMP atu halo observasaun substánsial ba tribunál sira**

Iha 05 Maiu 2016, ekipa JSMP ne'ebé kompostu husi diretór no kordenador unidade sira halo audénsia ho Meritíssima Dra. Maria Natercia Gusmão nu'udar Prezidente Interina Tribunál Rekursu. Dra. Maria Natercia Gusmão agora dadaun subsitui Prezidente Tribunál Rekursu durante Prezidente Tribunál Rekursu, Dr. Guilhermino da Silva, iha auzensia tanba kondisaun saúde. Audiénsia ne'e hala'o iha Tribunál Rekursu Kaikoli Dili.

Audiénsia ne'e ho obejtu atu intrega relatóriu anuál JSMP kona-ba Observasaun Jerál ba Setór Justisa (OJS) 2015 no Relatóriu Atividade Lejislativu Parlamentu Nasionál 2015. Durante audénsia ne'e JSMP uja atu diskute kestaun asesibilidade julgamentu iha Tribunál Rekursu no apresenta JSMP nia deskobrementu sira relaciona ho funcionamentu tribunál distritál sira no Parlamentu Nasionál liuhosi JSMP ninia relatóriu anuál hirak ne'e.

Meritíssima Dra. Maria Natercia Gusmão, agradese JSMP tanba sai ona parseiru di'ak ba tribunál sira. Dra. Gusmão husu atu JSMP halo observasaun substansiál no analiza tuir provizaun legal aplikavel sira atu iha balansu entre krítika hirak ne'e no qualidade krítika ne'e rasik..

“Audiénsia ne'e importante tanba tribunál rekursu bele fó fatin no oportunidade ba JSMP atu hasoru malu ho juis tribunál rekursu no bele diskute diretamente JSMP nia rezultadu monitorizasaun ho juis sira,” dehan Diretór ezekutivu JSMP, Luis de Oliveira Sampaio.

Iha relatóriu OJS ba tinan 2015 nian, JSMP rekomenda asuntu rua ba Tribunál Rekursu atu konsidera, liuliu iha rekomenasaun númeru 10 no 11 hosi relatóriu OJS ne'ebé subliña kona-ba

*10. Tribunál Rekursu tenke konsidera publika oráriu julgamentu no atualiza nia website atu asegura desizaun sira atualizadu no publika kedas desizaun sira ne' e depoisde halo julgamentu.*

*11. Tribunál Rekursu tenke hala'o julgamentu barak liu no permite prosesu hirak ne'e atu hetan asesu husi monitór/observadór sira iha tribunál hodi garante katak prosesu hirak ne'e transparente no nakloke ba kontrolu públika.*

Aleinde ne'e, JSMP mós diskute kestaun seluk kona-ba interpretasaun ba Artigu 113 (1) no (2) Konstituisaun RDTL relasiona ho imunidade ba membru Governu sira. Asuntu ne'e mós elabora iha JSMP nia rekomendasaun númeru 22 hosi relatóriu OJS ne'e (relatóriu kompletu bele asesu iha [www.jsmp.tl](http://www.jsmp.tl))

JSMP haksolok tebes tanba Tribunál Rekursu nakloke-an no hakarak kolabora ho JSMP. Audénsia ne'e taka ho intrega relatóriu observaun Jerál Setór Justisa 2015, no Relatóriu Observasaun Parlamentár 2015.

Atu hetan informasaun kle'an liu tan favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Telefone: 3323883 | 77295795

Rua setubal, Colmera, Dili Timor Leste  
PoBox: 275  
Telefone: 3323883  
[www.jsmp.tl](http://www.jsmp.tl)  
[info@jsmp.minihub.org](mailto:info@jsmp.minihub.org)  
Facebook: [www.facebook.com/timorleste.jsmp](http://www.facebook.com/timorleste.jsmp)  
Twitter: @JSMPtl